

af
1046.20

OCTAVII FERRARII VENETA MVNIFICENTIA

Prolusio XXV.



PATAVII, MDCLXI

Typis Pauli Frambotti Bibliopolæ.
Superiorum Permissu.

OCTAVIUS
VINTAGE
MAINTENANCE

Problema XXX.



OCTAVIUS VINTAGE

Printed by Pauli Press, London.
Published by Pauli Press, London.

AMPLISS. AC GENEROSISS. D. D.

NICOLAO CORNELIO

D. MARCI PROCVRATORI.

Octavius Ferrarius Perpetuam Felicitatem.



*V*ENETAM magnanimitatem veneranti mihi, atq; inexhaustos, ut simplicissime dicam plusquam regia munificentia fontes, florentissima iuventuti in studiorum omen indicanti, nobilius argumentum visum est, quam ut inter paucos periret, ac Gymnasiū angustijs coercitum ibi tantum audiretur. Sed prestare credidi beneficentiam, quæ ad omnes pertineret, ubique narrari, ac virtutis eius, quæ neque modum noſset, neq; terminum caperet, famam, solis terrarum Cæliq; finibus circumſcribi.

Itaque non dubitavi totum eum sermonem a scholarum umbraculis in Solem producere, quodq; audacius votum est tibi nuncupare, hoc est clarissimo exemplo publicam magnificentiam in compendium mittere. Cuius magnificencia magna pars, ac præcipua Domus tua habetur, non ultimum Urbis miraculum, imò propter quod Urbs ipsa inuifitur. Nam sicut hæc inter reliquas Urbes longè caput extulit: ita tua domus surgentes in Cælum moles maiestate sua obterit, ac veluti in ordinem cogit, nec saltem amulationis gloriam relinquit.

4
Si quidem Roma olim M. Lepido, & Q. Catulo Cos.
cum nulla pulchrior domus esset, quam ipsius Lepidi, intra
trigintaquinque annorum spatium, eandem centesimum locum
non obtinuisse scriptores produnt: quin tam pulcherrima, &
laudatissima certantes centum domos, ab alijs innumera-
bilibus postea victas, indignantur. Hanc, primum & vl-
timum Veneta generositatis conatum, aucta in immensum
opulentia, ac profuso ad omnia, quibus pecunia prodigitur,
censu, irritatis etiam ipsa contentione ingenijs, nulla domus
equare ad hanc diem potuit, ac de principatu deicere.
Ad eo repente summa facta est, & extra exemplum stetit.

Computare hic excisa montium viscera, parietes mar-
more solidatos, nexas auro trabes, felicem machinatorum
audaciam, pictorum opera, atque impendia regalia: qua-
lem denique Menelai domum fuisse, adolescens ille insula-
ris apud summum vatem memorat: tanti operis iniuria
foret. Sane Italum Principem huic regie inuidisse, ac pro
ea centum aureorum millia parenti suo obtulisse, adhuc in
ore fama versatur. Qui ne cunctatus quidem ut delibe-
rasse videretur, licitante generosior, inuidiosam hanc sum-
mam repudiavit: nec modo extra invidiam est, sed ad Ve-
neti imperij maiestatem pertinet, privatum hominem, cen-
tum millibus habitare.

Non ergo immerito cinium, atque aduenarum consensus,
illi Magnae Domus titulum fecit. Neque enim angustior Lar
Corneliam gentem excipere debuit, unde reges matrimonia
procarentur, ex qua Senatus nurus adoptaret. Quanta
cumque illa demum, inferior domini dignatione est, nec he-

3
ro maius ornamentum ostentare potest. Nam quæ tua, in
tanto culmine, moderatio est, ita regium domicilium implet,
ut pauperis cellam colere videaris; atque e tanta laxitate
in te recedens, tecum simplicissime habitas.

Nisi quod, ne quid deesset, vasta conclauiâ clarorum in-
geniorum monumentis constipasti: ut iam ades ciuitatis
capaces penè Bibliotheca occupet. Intra eam tu, quantum
a publico munere vacat, abditus, fruge Cleanthea, ac for-
tioribus præceptis animum firmans, discis pares domui opes
contemnere, & hac fortuna blandimenta infra sapientiam
putare. Summa summarum gloriæ tuæ fuerit, domum a
maioribus, qua nullam isthic pulchriorem Sol aspicit, acce-
pisse: eandem innocentia, castisque moribus, largitate, de-
torum virorum hospitio, & condito musarum sacrario,
templum reddidisse. Ex quo si huc aspectum deflectere non
grauaberis, in patriæ laudibus te quoque agnosces, ac publicæ
munificentia præconio, de fama tua rectissime indicabis.
Vale.

Patavij Nonis Novemb. MDCLXI.



6

OCTAVII FERRARII VENETA MVNIFICENTIA PROLVSI O XXV.



Vod sæuissimo bello circumquaq; strepente, ac furiali turbine optima post homines natos, atque amplissima ciuitate concussa, nobis hic veluti summa tranquillitate, atque intimo pacis sinu laudandarum artium studia recolere, studiorumque auspicia renouare, literarios labores redordiri, ac veterem cum Musis rationem deducere licet: eiusdem Reipublicæ beneficium, ac miraculum est, quæ octodecim annos cum gentium victore, orbis terrarum auido Tyranno ex æquo contendēs, pretiosissima rerum, literas, ac disciplinas in hanc Palladis arcem contulit, ac veluti extra teli iactum collocauit. Vt olim Græcos, ac Troianos herodes, deorum ope circumfusa nebula tectos in medio prælij ardore, inter volitantia tela, sine noxa versatos esse, Homerus vates prodidit.

Sed haud scio, an maius miraculum sit, voracissimis tam longi belli cuncta absorbentis impendijs, alios etiam extra bellum sumptus tolerari potuisse: nec tot modo exercitijs, & classibus, verum etiam togatæ militiæ stipendia erogata, eo impensius, quod cum Resp. militaris ærarij rationes inspicere, atque attemperare cogatur, pacis studijs, supra veterem liberalitatem, noua comoda indulgendo non satis computare Imperij reditus videatur.

Cum igitur alias hoc in loco non semel Venerorum pro-

cerum

cerum toto hoc bello incredibilem, atque inauditam animi magnitudinem, & constantiam aduersis rebus, quam secundis admirabiliorem, nullius quidem præconij indigam, tanta claritas superfluit, sed inflammandis iuventutis studijs, admiratione timidissima percensere, totoq; orbe clarissimarum victoriarum laudibus personante, venerationem ac gaudia miscere ausus fuerim: haud alienum instituto opere, nostræque pietati magis consentaneum arbitratus sum, singularem eorumdem, ac prope diuinam munificentiam ad contemplationem vocare, atque ab hoc studiorum incitamento, studiorum primordia auspicari.

Nam Veneta res, sicut intactæ libertatis gloria, consilij præstantia, ac rerum fulgore Reges omnes, & liberae ciuitates facile æquauit, aut vicit: ita perpetuo munificentie tenore, omnium populorum ac principum luminibus offecit, & vel hac vna indeficientis liberalitatis laude se ipsam quoque superauit. Eam ex triplici fonte promanare animaduertimus: Principum, ac Regum, totiusque prope humani generis hospitio: bellicæ virtutis præmijs: demum fouendis ingenijs, literisque ac studijs ab inopia atque interitu vindicandis.

Grata enim in Deum, diuosque omnes, veluti cum ipsis superis, minimo ambiose decertans magnificentia, humana mente satis concipi nequit, nedum prophano sermone violari debet, aut potest. Arcata Vrbs maxima adorandæ vetustatis templis, nouis stipata delubris, confita vndeque Sacellis. Tempa Cælo suo proxima, marmore, ac puriore metallo nitentia. Templorum maximum, Venetum Capitolium, Tarpeie libertatis sedi adstitutum, Marcium mansoleum, Aedes aurea, minime iactanter scriptoribus appellata. In qua tamen minima pretij pars aurum sit: licet illud apsidem, tholosq; omnes conuestiat, ac parietibus illusum a summo ad imum renideat. Minima inquam templi indicatura aurum est: si quis peregrini marmoris crustas, columnas

ex alabaſtro: ſi Numidici, Parij, Spartani lapidis tabulas, ſi Thaliſium, atq; Ophitem reſpiciat. Si opere Muſiuo, tota tēpli teſtudine, in penicilli iniuriam effigies radiantes. Si erudito emblemate variegatum: ſi onyche & chalcodonijs ſtratū pauimentum calcandas gemmas præbeat. Si hinc ærea limina, atque ex ſolido orichalco reſixæ hoſtili cardine valux, inde clarorum artificum ſpirantia ſimulachra occurrant. Si veluti ab ignobili ſpectaculo in ſe oculos auertat ſingulare Romanæ maiestatis, atque humani ingenij opus, tēpli ſupercilio incumbentes Corinthiæ quadrigæ, Neroniani arcus, mox Bizantini hippodromi ſpolia, non tēpli modo, ſed totius Vrbiſ pretium æquaturæ.

Et nondum penetralia ſubiuiſimus, nondum ſacras ſauiffas, ac mille annorum intacta cimelia luſtrauiſimus, nouis ſubinde donarijs, prodigo etiam inter belli inopiam cenſu accumulata. Congeſtos veluti in ludibrium gemmarum acervos, pocula non gemmata, ſed gemmea, ignes lapideos, vniūnum ſtruem, & margaritarum coagmentatione inextos thoraces. Vt merito exclamare cogamur, non quod aſſentator vates Flauiorū poſtremo impie gratificatus eſt: ſi quæ Cœlo, ac ſuperis data ſunt, repetantur, patrem deorum cōturbaturum, nec vnciam totam qua decidat, habiturum. Sed quod extra controuerſiam eſt, in nulla Vrbe magnificentius, atque auguſtius Numen coli, nec vllas Cœlitum populo gratiores colonias uſquam terrarum haberi.

Has ſuperis ſedes Numinum maiestate dignas Veneti Patres ſtatuērunt. Sed Regibus, ac ſummis poteſtatibus, ex orbe toto ad Vrbiſ miraculum oculis fruendum quotidie confluentibus, excipiendis, totam Urbem hoſpitium poſuere: & cum libertatis arcem conderent, liberalitatis templum in veſtibulo aperuere: vt vel hoc vno res Veneta publica ſit, populis omnibus hoſpitali ſedere, communicata. Nulla enim vnquam tam ſepoſita gens fuit, & ab orbe noſtro diuiſa: nulla natio montium iugis atque interfuſo oceano diſ-
juncta

juncta: nulli principes ac Reges, quos Urbis incomparabilis pulchritudo, illecebris omnis amenitatis maritimę terrestrisque, ad sui spectaculum non pellexerit, traxerit, rapuerit.

Urbis ipsius, veluti terris, marique ambigua loci lege, exemptę, vtriusque arbitrarę, situs mirabilis, vel ipsis ciuibus nihil admirantibus. Innatans profundo moles, atque instabili elemento æternitatis æmula compago, scandentes æquore arces, recta Cęlo minantia, ac multiplici contignatione, Urbis vrbi imposita. Nudata męnibus Sparta, virorum robore, sed magis concordia męnita: fluentibus muris, ac reciproco vndarum aggere vallata: humili vadorum, ruriū minas æquantium fossa, cęcisq; breuib; inaccessa. Inter currentibus riuīs, veluti venis, torpentis stagni grauitas euentilata, ac mille pontium nexu pars altera rerum telluri iuncta: erēmigata continens, inambulatum pelagus: atque iisdem emissarijs, extremis terrarum finibus admota ciuitas, nauigabili gentium commercio, atque hospitali litorum omnium adpulsu, fertilis: rursus rerum toto orbe nascentissim mercator Oceanus se Urbis meditullio insinuans, vt vbi nihil nascitur, nihil desit. Alter veluti cymbarum populus, ac pensilibus thoris, impulsę lacertis rostratę lecticę.

Privatę ædes pictura auroque, & marmore cum templis certantes, & in libera ciuitate plures Regię. Nec principalis modo ædium paratus, sed nobilius spectaculum regię intrus formę, omnibus simulachris emendatiores: ac ne tristis, atq; horrida pudicitia esset, maris sui spolijs onerata, in aquis vrentes Nereides. Contra fortior sexus viriliter incomptus, ac singulari ciuilis modestię temperamento, sapienti panno inuoluta nobilitas, par caueę orchestra, soloque frōtis honore, ac magistratū insignibus a plebe distincta, non stipatu, ac supercilio grauis, immixta populo, Urbem vt suam incolit, domum tanquam hospitium. Vt si quis ædes, ædiumque ornatum spectet, plusquam principes: si cultus, non ad noua, peregrinaque & hostilia exempla com-

positi, sed duodecim seculis inuiolati simplicitatem, & cum pileolo pinguis tunica resquorē intueatur, minus quam priuatos existimet, hoc ipso magnis Regibus æquandos.

Arx ipsa naualis, propter quam vnā, si non tot alia essēt Venetiæ viserentur, Lemniā nobilior officina, Martis penus, armorum horreum, nauium textrinum, nil toto Orbe habet simile, aut secūdum. In qua ferrea hastarum seges succrescit, classes nascuntur, ligneæ arces Oceanum peragraturæ ædificantur, æratæ triremes, intra paucas horas, non alueo modo, atque intexta costarum crate, forisque ac tabulatis compinguntur, sed armamentis omnibus ad summum vsque carchesium, quibusdam oculorum præstigijs aptantur: ut quæ paulo ante abies, & plnus in montibus steterant, momento temporis in mare deiectæ, ignotis litoribus insultent. Vbi fulmina terris erumpunt, cuprique fluentibus riuis, stridoræ chalybum stridunt, rerumque naturæ durissima pars igne mollitur, ferrumque excoctum flammarum semen cōcipit, ac fulminum fomes, exiguus pyluis in vtero luctans, non tonitru modo, ac turbines ciet, sed pilarum procellosam grandinem armatis legionibus incurrit. Vbi ventorum sinus, atque liabenzæ textūtur: antemnarum labor torquetur, nauigiorum frena cuduntur: liquētis picis stagna, quadam Inferorum imagine ebulliunt. Ut cum in Vrbe amplissimā, immensa ciuium, ac peregrinorum turba degat, plus tamen armorum in arce sit: quidquid denique arcendæ, aut inferendæ morti, tuendo, ac perdendo humano generi, in sua mala solers ingenium excogitauit, ancipiti ministerio peragatur. Cū tamen omnis generis armorum, telorumque strues vastissima conclauia stipent: cum tormentorum, ac pilarum montes exurgant: cum quatuor millia mortalium, hæc fabrica exerceat, cum ferrum cuncta occupet, plus tamen auri consumitur, propter quod ferrum excuditur.

Quem non ab ultimis terrarum oris hæc admiranda spectacula, magno Reip. stantia, ab omni æuo non euocauit?

Quot illam Pontifices maximi, aut profugæ maiestatis asy-
lum; aut sacrarum in barbaros expeditionum diuersorium,
aut temporarij secessus solacium habuere? Quot Cæsares,
ac Reges, vel dissimulata persona, vel professio fortunæ ful-
gore; supra ipsam fortunam cultis hospitalem tesseram iun-
xerunt; ac fastigij oblitis, contrarijs votis liberati fauerunt?
Certe Henricus Rex I I I. cum a Sarmatico ad Gallicum re-
gnum præcipiti festinatione transiret, aliquot dies huic di-
uerticulo, gaudijs properantibus impendit, vbi profusissi-
mæ munificentia; studijs obrutus; & spectaculorum magni-
tudine, ac varietate attonitus, fassus est, se aliquid maius
inuenisse regno, quod reliquerat, & ad quod proficiscebatur.

Porro regulorū, procērumque, ac purpuratorum numerus
iniri non potest, quot quot olim & hodie, aut honesta iustrā-
dæ Urbis cupiditas sedibus suis exiuit: aut a Veneti Sena-
tus oraculo Delphica cortina certiore, petendi consilij, opif-
que exposcēdæ necessitas huc adegit: vnde omnes ferè voto-
rum compotes discesserunt, nemo certe post hominum me-
moriā indonatus abiit. Neque enim Principibus modo,
sed eorum legatis, ac ministris, loca lautia præbita, sumptus-
que suppeditati: omnes in discessu xenijs, atque vberissimo
congiario ditati, non alias toto Orbe Fortunatas insulas re-
periri, nullumque pelago, ac Venetæ liberalitati fundum
esse, ad suos reuersi prædicarunt. Sane cum bellum aduersus
Veronenses Scaligeros gerebatur, LX principū, ac populorū
Legatos vno tempore Venetias venisse grauissimi scriptores

prodiderunt. Vtiā vna ciuitas cum magnis regibus, intra quorum
fines tam Sol, qua aurum nascitur, quibus rutilas arenas opu-
lenti amnes deuoluunt; in munificentia; certamen descen-
dere possit. Cui cū amplissimus census sit, nullis populorum
lachrimis coactus, maior tamen animus est, qui nihil suum
esse existimat, nisi quod donauit: pro cuius salute reges

ipsi ac principes excubare deberent, quando eius opes, cōmune omnium patrimonium dici potest, quæ cum nullum beneficium senerare soleat, non pauca tamen perdidisse visa est.

Hoc quidem Venetorum in exteros reges, ac populos singulare beneficentiæ exemplum est. Illud peculiare, ac domesticum in eos, qui aut bellica laude, aut literarum gloria publicam liberalitatem prouocarūt. Et primum quidem militaris virtutis auctoramentum ceteri principes laudant, pauci admodum imitantur. Nam ab ipso Urbis primordio, quicumque Veneta signa secuti, strenuam in bello operam nauarunt, aut aliquo insigni facinore inclauere, non duces modo, ac copiarum præfecti, sed manipulares, & caligati, stipendijs aucti, & ordinum gradu altius promoti, opima sc̄per præmia ac largum sanguinis pretium tulerunt. Nec quæ horum temporum ingrata sœuitia est, finita militia, membris capri, ac vulnere inualidi, mulcato, ac debilitato corpore, ad nosocomia diuertere, aut truncas manus corrogandæ stipi porrigere coacti vnquam sunt. Sed manentibus stipendijs, aut præbitis publicè alimentis, inopem senectam effugerunt.

Quibus vero humanorum operum pulcherrimum contigit pro patria oppetere, ne in morte quidem Venetæ benignitatis immunes vnquam fuerunt. Nam liberi paternis stipendijs succenturiati, filiaꝝ illocabiles dotatæ e fisco, orbaque parentum senectus, nō vno solatio affecta publicam pietatem adoptauit. Vt hunc tēerrimum Senatus affectum, præcipue post Tarrense prælium, non nostri modo scriptores, sed Italorum hi stōricorum summus, non ita Veneto nomini propitius eximia laude posecutus sit.

Neque ita milites modo male a fortuna mulctatos, aut egregia morte perfunctos, sed in plures populos, post vrbis suarum exidii patria, ac fortunis extorres se Veneta magnanimitas extendit, cuiusque in rebus extremis fides,

& constantia, tutissimum semper Venetijs receptum, & calamitosæ virtutis perfugium nata est. Nam vt antiquissima sileatur, incredibile memoratu est, quo pacto Chalcidenses olim, & Scodréses, patrum memoria Cyprij, nostra Cydonij, Rhithymnenses, & Cretensium pars magna, Turcarum superfula barbarie, oppressi magis quam victi, patriæ in cineres cadentis rogo semiambusti, atque ex horribili naufragio in hæc litora eiekti, non immanissimam modo captiuitatem effugerint, sed omnis humanæ opis egeni, cum coniugibus, ac liberis, & humanissime suscepti, & liberaliter recreati, atque ab vltima desperatione ad vitam vitæque cultum sint reuocati.

Nam turba inops ciuibus infusa, ac per Venetam ditionem distributa, opificijs admota, frumentatione, & causarijs liberalitatibus sustentata est: primoribus vero arcium, atque Vrbium præfecturæ cuique pro conditione, ac pristina fortuna, decretæ, plures sacramento adacti, turmisque & cohortibus impositi, quibusdam opima sacerdotia assignata, non pauci in professorum censum adscripti, nullus nõ publico beneficio subleuatus, magna pars perituri, nisi perissent.

Ex quo factum est, vt nemo optimo, & gratissimo principi vitam ac spiritum impendere dubitet, mortisque capacia pectora in ferrum, atque ignes ruant: quod periculorum superstitēs emeritam famem non reformident; si fatum vrgeat, liberos, ac reliquas necessitudines publicæ beneficentiæ hereditatem creturos intelligant. Populi vero tam iusto, mitique imperio subiecti, pro mœnibus, pro aris, ac focus vsque ad extrema humanæ necessitatis duramenta fidem obfirmant, haud ignari, post bella tutam a baculo, & tege re futuram senectam: si patria cadat, numquam ipsis, ac posteris communem hanc patriam defuturam.

Sed hæc leuia videri possunt præ vt ingeniorum culturæ, ac optimarum artium, studiis promouendis totos munificentæ

centiæ sinus Resp. omnis sapientiæ alumna eadem, ac parens effuderit. Quam quidem laudem eius propriam, ac peculiarem quorundam principum restrictus animus effecit. Namque ab ipso primordio eadem libertati, ac literis cunabula posuit, quibus conferuandis pertinax superum fauor atque peruigil hominum industria excubauit. Scilicet alterum alterius auxilio, atque ope mutua indiget, nec tam libertas sine disciplinis, quam doctrina sub dominis vigere potest. Libertas literis pretium ponit, quibus vnus eius bona intelliguntur, eoque animosius defenditur.

Ceteræ gētes, quæ regnātur, ferme liberalibus studiis arcētur, quo patiētiore seruitutis sint, curæque in terris animæ ingenuas artes auersantur: quibus vero subtilior sensus est, eas tantum discunt, quas non esse suspectas dominantibus intelligunt, aut vnde assentationi pretium accedat, corporeque nexi, ingenia quoque in mancipatum tradunt. Certe cum apud Turcas, & Scythas proiectissimum seruitium sit, stupor atque inscitia captiuitatis nota est, ac plusquam barbaræ dominationis firmamentum habetur, quo addictiora mancipia habeantur, excisis funditus literis, omnem illis humanitatis sensum adimere: vt famuli turpes, non dimidiata mente, quod Homero placuit, sed toto rationis lumine spolientur.

Nil ergo mirum est apud acerrimos libertatis custodes, tantam literarum studiis dignationem semper habitam fuisse, vt inter arcana imperij pignora adsciuerint, atque iis propagandis nullis vnquam sumptibus pepercerint. Et quamquam cœli huius, solique elementia clarissima ingenia, ac literarum miracula per omne æuū eduxerit, Bembo, duos Iustinianos, non vnum Barbarum omnis barbariæ depulso-rem, Quirinos, Maurocenos, Manutios, Egnatios, Crassos, aliosque quam plurimos: ne quid de ijs dicam qui vitali aura vescuntur, urbemque ac seculum exornant. Hoc heroum prouentu minime contenta Resp. peregrinæ virtutis æstima-
 marsix,

matrix, cum in hac vrbe Athenas doctrinarum omnium colonijs deducendis conderet, musarumque larem, ac Prytanæ institueret, in quo perpetuus ignis, & custos imperij flamma vigilaret, ex Orbe toto ingeniorum delectum habuit, atque omnis doctrinæ principes viros, & quod vsquam egregium ex vltimis terrarum oris amplissimo congiario conquisiuit: ac veluti in auctione musarum, animosissime licitando, hominum florem delibans, vt Orbem locupletaret, Orbem ingenijs spoliauit.

Consuientibus velut ad viuaria, quicumque sapientiæ cæsu indicantur: quando nusquam terrarum maiori pretio virtus meret, nec alibi quætuosior doctrinæ negotiatio, ac luculentiori conditione eruditionis artificium exercetur, ve auidæ doctorem spes, & improba quoque vota vincantur. Faceßat enim intempestiua sapientia paupertatem in litterarum studio laudantium, eamque virtutis paucis contentæ magistræ prædicantium. Quod sola gloria, ac nominis amplitudo satis magnum laborum, ac vigiliarum præmium censendum sit. Facilius enim inuenietis qui diuitias accusent, quam qui contemnunt. Honos quidem alit artes. Sed quod ille aiebat, Aurea nunc vere sunt secula, plurimus auro Venit honos. Nec tam fama, ac sterilis gloriæ cupido, quam Venetus Leo flauo metallo irradians doctos mortales pelli- cit, validius, quam argentum concisum in titulos, faciesque minutas. Aurum barbati inhiant magistri, quique rerum humanarum contemptum tristi supercilo profitentur, aucto- rati eunt, & maiora appetentibus, vita in tumultu est: Pau- ci abditæ terris laminæ inimici sunt, plures sibi ac musis plaudunt, quoties nummos in arca contemplantur: magna pars pauperiem ingens opprobrium putant: & fortasse ali- qui rei magis quam famæ famelici, non tam bouem Acade- miæ insigne, quam aureum vitulum venerantur.

Huius intelligens sapientissimus Senatus hanc maxime escam hamis imponit, ac profuse largiendo cum doctorem cu-

cupiditate paria facit. Hinc inaudita alibi, vbique inuidiosa stipendia, nec equestres modo, sed Senatorij census vmbaticis hominibus decreti, & tamen cum plurimis abunde sit, paucis admodum est satis.

Sed quod omnem admirationem exsuperat, hæc omnia non solum re populi placida, sed belli tristissimis, ac difficillimis temporibus cumulate repræsentantur. Alibi terrarum vbi Mars classicum increpuit, in literas, ac disciplinas primus belli turbo erumpit. Aperto Iano gymnasia clauduntur, doctorum vocibus tubarum cantus, ac tormentorum fragor obstrepit: ferale iustitium Academiæ indicitur: quodque miserrimum est, docenteium census in militis sacculum diruitur. Culca musarum noualia miles occupat: barbarus has segetes. Ità Phœbæi artifices, quibus menstruum salarii fundus, ac patrimonium est, ante capram Urbem fortuneis omnibus spoliuntur. Pulsis magistris Pieridum loca, solitudinis horrore, ac silentio vasta, gramen velut in pestilentia obsidet, nisi quæ iumentis ac sarcinis constipata, alto sordentia sterquilinio, incestus Martis furor præsepibus profanauit.

Vt ante paucos annos obsessæ Vrbe nobilissima, eademque studiorum altrice, celeberrimū Gymnasium in pistrinum versum est: atque ibi uetere laborum imagine, & quadam ærumnabilis artificij societate, trufatiles molæ constitutæ sunt, vt vbi alendis ingeniis farinæ flos, sapientiæ medulla conficiebatur, ibi nequam homines polentam pinsirarent, & vnde literarios proceres fames expulerat, ieiunia plebis soluerentur, solique doctores in pistrino elurirent.

Credent ne posteri, atrocissimo duodeuiginti annorum bello, in hac ciuitate literarum, in hoc disciplinarum omnium domicilio perpetuo Alcedonia fuisse? & cum nullum hominum genus belli calamitatum expers sit, solis literarū cultoribus bellum fama modo auditum? cumque omnes tributum pendant, iisdem vectigal persolui? Nam cum

szua ineluctabilis necessitas, ad explendos sumptus, vix magnis regibus ferendos noua vectigalia, oblationes, indictiones, scripturam, decimas excuset: professores omnium immunes, ac beneficiarij, non vetera modo stipendia tuentur, sed vberioribus quam in pace honorarijs, maectantur: vt quondam capta vrbe, oblesso a Gallis Capitolio, extrema fame vrente, panes, ostentandæ fiduciæ extra munimenta iactatos, accepimus.

Illud quidē annis proxime elapsis, ad Venetæ munificentiæ gloriā clarius illustrandam accidit, vt Academiæ reditus expensis superaretur, ac Musarum peculium, intactus bello fiscus, tam Gymnasij moderatorum profusā largitatem, quam doctorum cupiditatem explere non posset. Dum vitio gentis humanę vnusquisque, se alteri meritis parem putat, suamque artem ceteris, aut anteposit, aut æquat, nec eiusdem operæ, aut ingenij eandem mercedem postulat, gratiaque, ambitu, prensatione, ac pene odio noua incrementa efflagitat, publicamque benignitatem obtundit, ac veluti ærariū perfringit. Ex quo factum est, vt literarij census rationes non nihil turbarentur, ac difficiliiores quotidie fierent. Ita quæ singulis mensibus pecunię numerabantur, serius expungi cœperunt, ac tarda nomina fieri, vt vnus fere anni reliqua excreuerint.

Quę tamen grauiā, ijs præcipuē essent, qui sibi amici, in mensem viuunt, victuque ac cultu splendido, sicut muneris dignitatem tuentur, ita haud multum heredem iuuant: vt alij suo sibi succo viuendum crederent, quidam nouas tabulas expectarent: nemo tamen mutire, nemo publicam fidē conuenire ausus est: satis gnarus, ipsos belli duces, trierarchos, & copiarū præfectos, qui Reip. sanguinem fenerarent, milleque periculis apud horridas gentes, per in certa maris, ac præliorum vitam quot idie obijcerent, longe grauioribus stipendiorum difficultatibus consistari.

Cum præter omnium expectationem non postulantis,

vix-

vixque credentibus totius debiti summa representata est, quę, in vniuersum viginti ferme aureorum millia cōficiebat. Cuius incomparabilis beneficentię fructum, tam arctis rebus ac penē dixerim hac paupertate, secundum Serenissimū Senatum, amplissimorum Gymnasij moderatorum prouidentię, atque indefesso de literis benemerēdi studio debemus. Qui publicanorum animosius licitantium opportunitate vsi, sine ęrarij detrimento, rem magnis difficultatibus implicitam, contra omnium opinionem felicissime expedierunt. Neq; enim vt opinor, deerant, qui vtilitatibus fisci in literarum iniuriam adessent, ac tantam pecunię summam belli necessitatibus destinarēt, meliusque eam collocari putarēt, si ornandę classi, ac militari tributo cederet, quam si studijs inertibus, atque vmbatili desidię impenderetur.

Facile quilibet alius Princeps, cui vilis literarum annona, sibi persuaderi passus esset, vt de alieno largiretur. Sed apud Venetum Senatum avaris monitis aditus obstructus semper fuit: qui insigni quadam, inaudita, noua animi sublimitate minutam hanc diligentiam veluti sordes auersatus, atque vt omnium parens indulgentissimus, non minus sibi studiorum, quam imperij dignitatem cordi esse pręfatus, extremo liberalitatis conatu, eodem tempore de hostibus, ac de fortunę acerbitate triumphauit.

Ergo ex templo omne doctorum creditum expungi Patres decreuerunt: Trium viri literarij, ijdemque monetales auctores facti sunt. Viri ex vniuerso Senatu delibati, vt literarium Senatum legerent, Senatorium censum augerent, Latias tribus recognoscerent, atque Ausonię stirpis lustrum conderent: studiorum vętigalia, atque vltro tributa, locarent, deinum Musarum templa serena facta recta pręstarent. Vel hoc vno promeriti, vt tantę nomina famę eternitatis fastis pręscribātur. Andreas Pisanus, ęquitate, constantia, morumque suauitate demerendis hominibus genitus, & cum alijs summis honoribus, tum Patauinę Pręturę duratura in
lon.

longum memoria rerum fastigio proximus. Ioannes Donatus, nominis augurio blanda eruditorum spes, mirabili seueritatis, ac mansuetudinis temperamento, idem virtutis largus estimator, ac prolapsę disciplinę reparator acerrimus. Demum Baptista Nanius vir ad omnia summa natus, bono publico facundus, literarum amor ac delicię, quas tantum diligit, quantum ab illis probatur, par famę toto Orbe diffusę, quę illi parem adhuc quęrit.

Nos ergo non tanquam debitum, sed tanquam beneficium accipimus: id vero a tantis viris datum, serio triumphamus. Cuius beneficij sicut magnitudinem intelligimus, ita eadem obruti referendę gratię nos impares testamur. Quanquam ergo diuersa docentium vocibus Gymnasium perstrepat, omnium tamen vox vna est, hac noua largitione depulsam inopiam, ac pręsenti ægritudine, futuri metu marcentes animos erectos esse, spiritumque ac sanguinem literis, & disciplinis restitutum. Id cum omnes gratulabundi fateantur, mihi omnium nouissimo hanc prouinciam viri clarissimi collegę demandarunt quia humanitatis studia professo, conuenire id officium visum est, quando nihil humanius, atque ad diuinitatem propius accedit, quam vetare studia pulcherrimarum artium esurire.

Ergo hoc in loco veluti in Curię vestibulo procumbens, Deum, hominesque meo, & collegarum nomine testor, adnifuros omni officio, ac potius pietate, vt nos honorificentissimo amplissimi ordinis iudicio, clarissimoq; decreto nõ plane indignos pręstemus, torque beneficia nouis munificentię exemplis cumulata, nec ingrata habeamus, nec irrita.

Grande tibi etiam me tacente, florentissima Iuuentus, incitamentum, vt toto pectore in studia incumbas, quę tanti fieri a senatu Sapientissimo intelligis, vt inter primas Imperij curas adsciscas, & cum damnosissimi belli impenis, atque erogationibus non sufficiat, ne tantillum quidem debere do.

doctoribus sustineat : atque exhausto ærario, diuitias maximas esse putet, tuendis literis, atque ingenijs solum Principem fieri pauperiorem. Dixi.

Laus Deo :